



Inatsisartunut Ilaasortaq Jens B. Frederiksen
 /MAANI

Qaleralittassiissutit pillugit apeqqutit

5. januar 2007
 01.28/2006
 Postboks 269
 3900 Nuuk
 Oq/tel +299 34 50 00
 Fax +299 32 47 04
 aapip@gh.gl
 www.nanoq.gl

Inatsisartut Suleriaasianni § 36 imm. 1 naapertorlugu Naalakkersuisut Nukik Seafood A/S-imut 600 tonsinik aamma Sigguk Kapital ApS-imut 1.825 tonsinik qaleralittassiissutaat pillugit ukuninnga apeqquteqarputit.

Nukik Seafood A/S pillugu apeqqutit

Nukik Seafood A/S-ip aalisagartassaminit 600 tonsiusunit qanoq amerlatigisut piasisimavai ?

Qalerallit piasarineqartut angissusii qanoq agguataarsimappat ?

Qalerallit tonsit qassit Nukik Seafood A/S-ip Qaqortumut tulaassimavai ?

Nukik Seafood A/S-ip aalisagartassinneratigut Qaqortumi suliffissuarmi suliffissat qassit pissarsiarineqarsimappat ?

Akissut

Nukik Seafood A/S-ip pisassiissutinit 600 tonsinut 518 tonsit piasari.

Angissutsit immikkoortiterneri imaapput:

Angissutsit kg-nngorlugit, qalerallit "Japan-cut" paperoqanngitsut	Pisanit %-inngorlugit
0,5 tikillugu	16
0,5 – 1	63
1 – 2	18
2 – 3	1
3 – 5	1
5 qaangerlugu	0

Nukik Seafood A/S aperineqarami imatut paasissutissiivoq:

"Qalerallit tamarmik J-cuttet maani Nuuk Frysehusimi uninngatinneqarput, Arctic Green Food A/S-imilu Qaqortumi piareernermik nalunaaruteqarnissaq utaqqineqarluni. Aalisakkat tisanissaannut Arctic Green Food A/S baadermaskinamik ikkussisussaavoq, aammalu tisaat tunisassiarineqartut qerinasuartinnissaannut qerinasuartitsissutinik ikkussisussaalluni. Containeri qerititsivik 40 fodinik angissusilik ataaseq qaleralinnik 26 tonsinik imalik Qaqortumut umiarsuakkut nassiunneqarpoq. Arctic Green Food A/S isumaqatigiissutigineqartut baadermaskinamik tisassummik ikkussissappat qalerallit taaneqartut inunnut arfinilinnut qaammatini marlunni pingasuni suliassaqartitsissapput. Pisat tamaasa assammik tisaneqassappata angutinut arnanullu 16-inut qaammatini arfinilinni suliassaqartitsissapput, tamannali piviusorsioruunngilaq, tassa Arctic Green Food A/S-imi tiimit sulinerit amerlavallaalissammata, tamannalu amigartooruteqarujussuarnermik kinguneqassaaq."

Sigguk A/S pillugu apeqquiti

Sigguk Kapital ApS-imut qalerallitassiissutinik qanoq annertutigisut

aalisarneqarsimappat ?

Qalerallitarineqarsimasut angissutsimikkut qanoq agguataarsimappat ?

Sigguk qaleralinnik qassit tonsinik Aasianni nunami suliffinnut tulaassisimava ?

Sigguk tonsinik qassinik qaleralinnik umiarsuarmut tunitsiviusumut tulaassisimava ?

Sigguk A/S-ip pisassiissutinik 1.825 tonsinik 1.720 tonsit pisarai. Sigguk A/S-ip ilisimatitsissutigini kuuaa piffissap aalisarfiusup immikkoortuani kingullermi qalorsuit annaaneqarneri pissutigalugu aalisarneq kinguaattoornikuusoq.

Angissutsit immikkoortiterneri imaapput:

Angissutsit kg-nngorlugit, qalerallit "Japan-cut" paperoqanngitsut	Pisanit %-inngorlugit
0,5 tikillugu	18,81
0,5 – 1	58,22
1 – 2	20,27
2 – 3	1,49
3 – 5	0,64
5 qaangerlugu	0,57

Sigguk A/S Aasianni nunami tunisassiorfimmuut tunisaqanngilaq.

Sigguk A/S-ip pisat tamaasa umiarsuarmut "Bjal Senior"-imut Sigguk A/S-imit attartorneqartumut tunivai. Sigguk A/S-ip ilisimatitsissutigaa pisat tamarmik "Bjal Senior"-imi tisaneqartut, taannalu 21. decemberimi Aasianniit aallarpoq.

Naalakkersisut pissamaaruteqarpat selskabit taakkuusut aamma taamatut ukiumi tullermi qalerallitassissallugit, piumasarineqartut tamakkerlugit piasisimanissaat naammassineqarsimangippat ?

Avataani pisassiissutiniq qinnuteqartut tamaasa Naalakkersuisut januarimi 2007-imi isummerfigissavaat. Naalakkersuisut naliliipput Sigguk A/S-ip piumasaqaatit malillugit pisassiissutit tamakkerlugit aalisarsimagai. Nukik A/S eqqarsaatigalugu suliaq Naalakkersuisut misissoqqinniarpaat, tassa 100%-imik tulaassinissamik tisanissamillu piumasaqaat sulii eqqortinnikuunngimmagu.

Naalakkersuisut Inatsisartunut ilaasortamut Johan Lund Olsen-imut akissutaanni allassimavoq, alisagartassiissutit qalerallit 1.825 ton Sigguk Kapital ApS-imut, aalisagartassiissutilli piniarneqassasut piginneqatigiiffik Sigguk A/S aqutigalugu. Aalisarnermut inatsimmi periarfissaqartitsisoqarpa piginneqatigiiffik aalisagartassanik tunissallugu taakkulu piginneqatigiiffimmit allamit aalisarneqassasut? Taamaattoqarsimappat inatsisitigut sorlikkut tamanna periarfissaqarpa ?

Naalakkersuisut Johan Lund Olsenimut akissummini nassuiarpaat pisassiissutit "Sigguk Kapital Grl ApS"-imut tunniunneqartut, taannalu Uummannap Upernaviullu kommuniini suliffeqarfinnit inunnillu marlunnit pigineqarpoq. 1.825 tonsit taakku "Sigguk Grl A/S" aqutigalugu aalisarneqartussaapput. Pissutsit imaapput "Sigguk Kapital Grl ApS"-ip siornatigut "Polar Suluppaagaq A/S"-ip (Maannakkut "Sigguk GRL A/S) 50 %-ia tigunikuugaa. Pisassiissutit aalisarneqarnissaannut atugassaritineqartut piumasaqaatillu "Sigguk Grl A/S"-imut aalisarsinnaanermut akuersissummi allanneqarnikuupput.

Polar Seafood A/S-ip qalerallitassiissutinut piginnittunut maannakkut ilaanerit eqqarsaatigalugu oqaatigisinnaavara Ataqtigiissaarinermut Ataatsimiititaliap 19. juni 2006-imi aalisarnissami pissutsit akuersissutigigai. Taamaalilluni "Sigguk Grl A/S" pisassiissutiniq aalisarsinnaatitaalerpoq. Tamanna aalisarsinnaanermut akuersissutit pillugit Namminersornerullutik Oqartussat nalunaarutaannik nr. 5 31. januar 2002-imik unioqquitsinerunngilaq, pingaartumik § 9 imm. 2 eqqarsaatigalugu.

Pisortaqarfik taamaalilluni isumaqarpoq taamatut pisoqarnerani Aalisarneq pillugu Inatsimmik unioqquitsisoqanngitsoq, tassa allannguutit Naalakkersuisunut saqqummiunneqarnikkuummata, taakkulu Naalakkersuisunit akuersissutigineqarlutik.

Inussiarnersumik inuulluaqqusillunga

Finn Karlsen
Aalisarnermut, Piniarnermut Nunalerinermullu Naalakkersuisoq